


## INKASANT MURIZ

Muriz Šabic je član novog rukovodstva naše mjesne zajednice, ali je od prije nekoliko mjeseci i glavni sakupljac mjesečnog paušala za korištenje vodovoda u našem selu koji ima izvorište Musica cesma. Znamo da je bilo određenih problema prilikom raspolaganja ranije prikupljenim novcem, pa je Muriz na sebe preuzeo taj posao. Svakog mjeseca obidje cijelo selo kako bi prikupio sredstva za plaćanje potrošene električne energije, koja pokreće pumpe u našem vodovodnom sistemu. Podsjećamo, mjesečna pausalna naknada za vodu je 5 konvertibilnih maraka. Muriz kaže da u njegovom teferu ima oko 75 korisnika i uglavnom svi ispunjavaju svoje obaveze, tako da nema većih problema.



Iz rukovodstva mjesne zajednice najavljuju projekat rekonstrukcije ovog vodovoda koji bi bio podržan iz opštinskog budžeta, ali o tome ćemo više pisati kada se preciziraju određeni detalji. Svakako da je vrijeme da se riješe brojni problemi u vezi sa raspolaganjem i korištenjem ovog vodovoda i potraže načini za bolje vodosnabdijevanje drugih dijelova sela.